



EAST ASIAN LIBRARY
UNIVERSITY OF TORONTO LIBRARY,
130 St. George Street
8th FLOOR
TORONTO, CANADA M5S 1A5



DS
748
L847
1786
v. 10



大事記解題卷六

宋東萊呂祖謙伯恭撰

秦昭王五十二年

解題曰是歲秦既滅周故以秦年統諸國曹同六代
論曰三代之君與天下共其民故天下同其憂秦王
獨制其民故傾危而莫救先生知獨治之不能久也
故與人共治之知獨守之不能固也故與人共守之
兼親疎而兩用參同異而並進是以輕重足以相鎮

親疎足以相衛並兼路塞逆節不生及其衰也苞茅
不貢齊師伐楚宋不城周晉戮其宰荆楚負固方成
雖心希九鼎而畏迫宗姬姦情散于曾懷逆謀消于

唇吻

亡粉反

斯豈非信重親戚任用賢能枝葉碩茂本

根賴之與暨乎戰國諸姬微矣至于王赧降為庶人

海內無主三十餘年

前漢諸侯王表曰數極德盡既于王赧降為庶人用天年終號

位已絕于天下尚猶枝葉相持莫得居其虛位海內
無主三十餘年顏師古曰秦昭襄王五十二年周初
十五十六年昭襄王卒孝文王立一年而卒莊襄王
立四年而卒子政立二十六年而乃并天下自號始

皇帝是爲三十
五年無主也
秦據形勢之地征伐關東蠶食九國

至於始皇乃定天位曠日若彼用力若此豈非深根

固蒂不拔之道乎呂不韋春秋成于始皇八年

按呂氏春

秋維秦八年歲在涪灘秋甲子朔朔之日良人請關
十二紀此其書成之歲月也涪灘者申也通鑑皇極
經世始皇八年歲在壬戌後呂後春秋一年
不韋當時人必不誤蓋後世算歷者之差也其聽言

篇曰今周室旣滅而天子已絕莫大於無天子無天

子則强者勝弱衆者暴寡以兵相殘不得休息今之

世當之矣然則始皇二十六年以前秦固未嘗敢稱

天子蓋海內無主之時也

王稽誅

解題曰范雎既相言于昭王曰非王稽之忠莫能內

臣于函谷關昭王召王稽拜河東守三歲不上計

漢郡

守上計蓋秦制也凡郡常以春行所至縣勸課農桑賑救乏絕秋冬遣無害吏按緝問諸囚平其罪法論

課殿最歲盡遣吏上計乃任鄭乃平昭王以爲將軍安平降趙

應侯席藁請罪秦之法任人而所任不善者各以其罪罪之於是應侯罪當收三族秦昭王恐傷應侯之

意乃下令國中有敢言鄭安平事者以其罪罪之而

加賜相國應侯食物日益厚以順適其意後二歲王

稽于河東守與諸侯通坐法誅

徐廣曰昭王五十一年按戰國策秦攻邯鄲

鄲十七月不下莊謂王稽曰秦何不賜軍吏乎王稽曰吾與王也不用人言莊曰君懷主輕下之日久矣

一人成虎十夫操推衆口所移羽翼而飛不如賜軍吏而禮之王稽不聽軍吏窮果惡王稽而反然則王稽之禍固非一日之積方秦圍邯鄲之時昭王固已入軍吏之譖而疑之矣稽假人之寵以虐其天下之淺人也其殺身宜哉而應侯日益以不懌昭王臨朝歎息應

侯進曰臣聞主憂臣辱主辱臣死今大王中朝而憂

臣敢請其罪昭王曰吾聞楚之鐵劍利而倡優拙夫
鐵劍利則士勇倡優拙則思慮遠夫以遠思慮而御
勇士吾恐楚之圖秦也夫物不素具不可以應卒今
武安君旣死而鄭安平等畔內無良將而外多敵國
吾是以憂欲以激勵應侯應侯懼不知所出蔡澤聞
之往入秦

范雎免蔡澤爲丞相

解題曰太史公序傳列秦將相曰鞅去衛適秦能明

其術彊霸孝公後世遵其法天下患衡秦毋廢而蘇
子能存諸侯約從以抑貪彊六國旣從親而張儀能
明其說復散解諸侯秦所以東攘雖諸侯櫛里甘茂
之策苞河泗圍大梁使諸侯歛手而事秦者魏冉之
功南拔鄢郢北摧長平遂圍邯鄲武安爲率破荆滅
趙王翦之計至於范雎蔡澤獨曰能忍詢於魏齊而
信威於彊蔡推賢讓位二子有之其辭與前數子異
矣

西周民東亡

解題曰赧王既獻西周之邑其民不樂屬秦亡歸東
周去年秦歸赧王于周使寄食舊國所謂西周君者
亦使之同秦吏守故地焉今赧王既卒西周民又東
亡故降西周君爲庶人而遷黽狐也自赧王入秦而
周統已絕東周雖未亡特邾莒附庸之類耳所以存
之而未論也按蔡澤傳蔡澤爲秦相東收周室然則
遷西周君其蔡澤爲相之日歟黽狐史記正義曰括

地志云汝州外古梁城卽愚狐聚

徐州

解題曰史記索隱曰按說文邾邾之下邑在魯東又郡國志魯國薛縣六國時曰徐州徐與邾並音舒史記正義曰徐州當此時屬魯故楚伐取也

秦昭王五十三年楚齊韓燕趙皆來賓

解題曰按秦紀天下來賓魏後秦使摎伐魏取吳城

史記正義曰廣城在陝州河北縣東其虞山之上亦名吳山周武王封弟虞仲子周之北吳城卽北城也

韓王入朝魏委國聽令蓋周亡而諸侯皆服于秦也
趙邯鄲廕焚

解題曰邯鄲國都也廕說文曰芻蕘之藏也

昭王五十四年楚徙都鉅陽

解題曰事見年表按楚頃襄王徙都陳而始皇六年
春申右用朱英策去陳徙壽春不云自鉅陽徙壽春
也年表所載未可知今姑存之

郊雍

解題曰今鳳翔府天興縣

秦昭王五十五年平原君卒

解題曰按孔叢子子高以爲趙平原君霸世之士惜
不遇其時也其子子順以爲衰世之好事公子無霸
相之才也今以事考之則斌之品題實當穿特隨俗
而不察耳潁濱蘇氏曰趙勝傾身下士以竊一時之
聲可耳至於爲國計慮勝不知也趙欲距燕有廉頗
趙奢不能用而割地與齊以惜田單知田單賢而不

知其不爲趙用也。韓馮亭以上黨嫁禍于趙，趙豹明其不可而勝貪取之，長平之禍成于勝一言。此皆貴公子不知務之禍也。乃欲使之相危，國拒強秦難矣哉。

衛懷君朝魏，魏殺之，立其弟。

解題曰：懷君者，嗣君之子也。世家載魏囚殺懷君，魏更立嗣君弟，是爲元君。元君爲魏壻，故魏立之。徐廣曰：班氏云元君者，懷君之弟，則亦嗣君之子也。兩說。

不同通鑑從徐氏按嗣君在位四十二年懷君在位二十一年使嗣君有弟尙存蓋亦八十餘矣徐氏之說是也

秦昭王五十六年追遵唐八子爲唐太后與昭王合塋
解題曰唐八子孝文王之母也辛八子以昭王之母
遂僭尊稱旣失禮矣唐八子又加以合塋則又甚焉
禮庶子爲君爲其母無服不敢貳尊者也自魯成風
以來是禮廢也子秦乎何誅

燕栗腹伐趙

解題曰延平陳氏曰燕使栗腹約權于趙反而言趙之可伐其爲使也可謂不周矣將渠見信于敵而其君不早信用急而後相之猶足以却趙師賢者之于國何如哉

趙以廉頗爲假相國

解題曰假相國之名始于此後二年趙又有假相樂乘楚漢之際是名蓋紛紛矣所謂假者未必與聞國

政特借國相之名以重其權而已

秦孝文王元年十月己亥王除喪卽位赦罪人辛丑王薨

解題曰按本紀孝文王元年赦罪人修先王功臣褒厚親戚弛園囿孝文王除喪十月己亥卽位三日辛丑卒

聊城

解題曰史記正義云括地志云故聊城在博州聊城

縣

魯仲連書以下之

解題曰潁濱蘇氏曰戰國游說之士非從卽衡說行
交合而寵祿附之故士不厭詭詐爭走于利魯仲連
辯過秦儀氣陵髡衍而從橫之利不入于口因事於
言切中機會排難解紛如決潰堤不終日而成功逃
避爵賞脫屣而去戰國一人而已矣

秦莊襄王元年大赦

解題曰按本紀莊襄王元年大赦罪人脩先王功臣
施德厚骨肉而布惠于民孝文王莊襄王元年皆有
赦秦漢以來初卽位肆赦蓋始于此至于脩功臣厚
親戚布德惠則自古人君初政之所常行雖秦之暴
不能廢也

遷東周君于陽人

解題曰按本紀東周君與諸侯謀秦秦使相國呂不
韋誅之盡入其國秦不絕其祀以陽人地賜周君奉

其祭祀

史記正義云括地志云陽人在汝州梁縣西

前漢地理志周地柳

七星張之分野也今之河南雒陽穀城平陰偃師鞏緱氏是其分也初雒邑與宗周通封畿東西長而南北短短長相覆爲千里至襄王以河內賜晉文公又爲諸侯所侵故其分地小徐廣曰周比亡之時兄士縣其縣名卽星分野所載河南雒陽以下是也星經出于戰國之末故舉當時東西周疆界以言之地理志又謂周人之失巧僞趨利貴財賤義高富下貪喜

為商賈此亦其末流之敝耳

封臣不韋河南洛陽

解題曰割東西周之地以封之也

拔成臯滎陽初置三川郡

解題曰按本紀年表世家使蒙驁伐韓拔成臯滎陽
秦界至大梁初置三川郡所謂三川者河洛伊也三
川為郡則據天下之樞混一之勢成矣自惠王以來
禱祠而拔者也成臯滎陽本東虢國穆天子傳云七

萃之士生捕獸卽獻天子天子畜之東虢則東虢蓋

畿內諸侯也

前漢地理志云成臯故虎牢亦名制左傳云制巖邑也虢叔死焉地理志注又

云榮陽故虢國則成臯榮陽皆東虢邑也周宣以後

成臯今河陽汜水縣榮陽今鄭州榮陽縣

披以封鄭至戰國城入于韓秦旣滅東西周又取韓

成臯榮陽合而爲三川此郡郡之境卽東都王畿之

舊也在今爲衛懷孟開封鄭河南汝陝虢拱之地榮

陽成臯自春秋以來常爲天下重城由秦而上晉楚

於此而爭霸

謂爭鄭也

由秦而下楚漢于此而分雌雄天

下既定七國淮南衡山之變猶睥睨此地而決成敗
焉東都以後言形勢其及之者鮮矣人事既改則地
之輕重亦有時而移也

楚滅魯

解題曰魯姬姓武王封周公於少皞之虛曲阜周公

不就封畱佐武王子伯禽受封之魯是爲魯公

索隱曰周

公之元子就封於魯次子畱相王室代爲周公其餘食小國者六人蔣凡邢茅胙祭也

起周公

至頃公凡三十三世前漢地理志魯地奎婁之分塋

言解是

也東至東海南有泗水至淮陰臨惟之下相睢陵僮
取慮皆魯分也孔子曰齊一變至于魯魯一變至于
道言近正也瀕洙泗之水其民涉渡幼者扶老而代
其任俗既益薄長老不自安與幼少相讓故曰魯道
廢洙泗之間斷斷如也去聖久遠周公遺化銷微孔
氏庠序衰壞地陋民窳頗有桑麻之業亡林澤之饒
俗儉嗇愛財趨商賈好訾毀多巧偽喪祭之禮文備
實寡然其好學猶愈於它俗

史記正義云徐廣云卜
一作下括地志云下邑

故城今宋州崑山縣是又云
在兗州泗水縣東北臨泗水

秦莊襄王二年榆次新城

解題曰史記正義曰括地志云榆次并州縣卽古榆
次地也新城者朔州善揚縣西南狼孟在并州陽曲
縣東北

魏趙攻燕

解題曰按趙世家延陵鈞率師從相國信平君
攻燕

楚徙封黃歇於吳

解題曰子重請取於申呂以爲賞田申公巫臣曰不可此申呂所以邑也是以爲賦以御北鄙若取之是無申呂也黃歇告于楚王淮北地邊齊其事急請以爲郡便其說與申公巫臣同意則利吳之安且富耳
秦莊襄王三年

解題曰秦紀莊襄王有四年顓濱蘇氏曰秦紀多矣先王之末年爲後王之元年當以年表爲定今從之

魏公子無忌率五國兵敗秦軍於河外

解題曰按本傳走蒙騫遂乘勝逐秦軍至函谷關抑
秦兵秦兵不敢出當是時公子威振天下自戰國以
來秦爲諸侯所敗者獨孟嘗信陵兩戰耳一則名之
正也一則將之賢也名以利敗賢以疑廢六國之亡
安得責命于天哉

史記正義云括地志云高都故城
今澤州是汲在衛州所理汲縣西

南徐廣云汲一作
汲汲縣亦在河內

龍兌汾門臨樂葛平舒

解題曰史記正義云龍兌在北新城兌音奪汾門在
易州北平縣臨樂在幽州固安縣葛在瀛州高陽縣
平舒在蔚州靈邱縣

五月丙午王薨子政立是爲秦始皇帝國事皆委於呂
不韋號稱仲父

解題曰按本紀當是之時秦地已并巴蜀漢中越宛
有郢置南郡矣北收上郡以東有河東太原上黨郡
東至滎陽滅二周置三川郡呂不韋爲相招致賓客

游士欲以并天下李斯爲舍人蒙驁王騎廉公等爲將軍王年少初卽位委國事大臣

晉陽反

解題曰反而歸趙也

秦始皇帝政元年作鄭國渠

解題曰前漢溝洫志韓聞秦之好興事欲罷之無令

東伐乃使水工鄭國間說秦合鑿涇水自中山

顏師古曰

中讀爲仲卽九

西邸瓠口

史記正義曰焦

並北山東

注洛

史記正義云洛則同州西漆沮水也

三百餘里欲以漑田中作而

覺秦欲殺鄭國鄭國曰始臣爲間然渠成亦秦之利也秦以爲然卒使就渠于是關中爲沃野無凶年秦以富强卒并諸侯因名曰鄭國渠始皇雖少而其謀國者乃如此

魏公子無忌以毀廢

解題曰魏安釐王始畏公子之賢能不敢任以國政魏趙唇齒國也秦圍邯鄲公子數請賓客辯士說王

萬端豈獨謂其姊計哉及奪晉鄙軍以存趙則遂爲
深讎矣雖迫于危亡不得已而復用公子然猜且闇
獨夫人也雖微秦間亦不可與共功矣

秦始皇帝二年趙以李伯爲代郡守

解題曰按戰國策齊人李伯見孝成王王說之以爲
代郡守而居無幾何人告之反孝成王方饋不墮食

不驚故食不墮也無幾何告者復至孝成王不應已乃使使

者言齊舉兵擊燕恐其以擊燕爲名而以兵襲趙故

發兵自備今燕齊已合臣請要其敝而地可多割自
是之後爲孝成王從事于外者無自疑于中者孝成
王雖納上黨將趙括未得爲明主然猶能用頗牧以
持其國觀李伯之事則其能駕馭豪傑蓋有以也今
附于孝成王薨之歲

趙李牧大破匈奴十餘萬騎單于奔走

解題曰按本傳李牧大破匈奴單于奔走其後十餘
歲匈奴不敢近趙邊城悼襄王元年廉頗旣亡入魏

趙使牧攻燕拔武遂方城然則李牧之勝匈奴蓋在
孝成王之世今附見于孝成王薨之歲單于者君長
之號前漢匈奴傳云單于廣大之貌也言其象天單
于然也

繁陽

解題曰按前漢志屬魏郡應劭曰在繁水之陽

秦始皇帝三年大饑

解題曰秦紀所書蓋秦之地饑也

暘有詭

解題曰暘音場蓋地名

秦始皇帝四年趙李牧伐燕拔武遂方城

解題曰年表世家皆書于今年李牧傳載于悼襄王

元年今從年表世家

七月蝗疫令百姓內粟拜爵

解題曰入粟拜爵始于此

魏公子無忌卒

解題曰按本傳公子謝病不朝日夜爲樂飲者四歲
竟病酒而卒其歲魏安釐王亦薨秦聞公子死使蒙
驁攻魏拔二城城初置東郡其後秦稍食蠶魏十八
歲而虜魏三屠大梁高祖始微少時數聞公子賢乃
卽天子位每過大梁常祠公子高祖十二年從擊黥
布還爲公子置守冢五家世世歲以四時奉祠公子
秦始皇帝五年酸棗燕虛長平雍邱山陽東郡

解題曰裴駟曰陳畱有酸棗縣汝南有長平縣陳畱

有雍邱縣河內有山陽縣東郡今爲博漢大名滑開

德之地

史記正義云燕虛在濮州雷澤縣東

趙龐煖取燕軍殺劇辛

解題曰燕昭王之招賢者也劇辛自趙往蓋燕之舊臣也辛與龐煖舊交易之而反爲所殺不知辛之不察與或者煖之才畧有進不可以故意待之也然則人豈易知哉

會盟于魯柯

解題曰戰國末猶有會盟故特著之

秦始皇帝六年楚魏韓趙燕衛合從來伐爲我所敗

解題曰秦本紀書韓魏趙衛楚共擊秦取壽陵

史記正義

云徐廣云
在常山

秦出兵五國兵罷而趙世家云龐煖將趙

楚魏燕之銳師攻秦蕞不拔移攻齊取饒安則燕亦

同伐秦非止五國也齊自君王后以來事秦不與諸

侯同伐是以諸侯歸師移兵攻之且以償兵費也徐

廣曰蕞在新豐饒安在渤海或云饒屬北海安屬平

陳

春申君傳稱至函谷關秦出兵攻諸侯兵皆敗走然則蕞在函谷關左右方攻之而值秦兵之出也

朝歌

解題曰史記正義曰括地志云在衛州縣西本妹邑

殷都也

徙衛于野王

解題曰衛世家載于後二年非也今從年表魏楚世

家

史記正義云野王懷州城也

楚徙都壽春命曰郢

解題曰楚都所至命曰郢猶晉都所至命曰絳也壽

春今壽州壽春縣

楚考烈王納黃歇妾生子悍

解題曰春申君傳載此於徙都之後今從之

李園女弟說春

申君曰君相楚二十餘年而幽王又有弟郝則春申君納其必在考烈王未薨數年前王當此時也

秦始皇帝七年慧星見

解題曰按本紀慧星先出東方見北方五月見西方

夏太后薨

九事詩角是 卷六
解題曰莊襄王母也

秦始皇帝八年王弟長安君成蟜將兵擊趙而反

解題曰顏師古曰本使長安君擊趙至屯畱而謀反
作亂故賜長安君死斬其軍吏遷其黔首也屯畱上
吳縣也臨洮卽今之洮州也按本紀下文將軍壁死
卒屯畱蒲鶮反戮其屍司馬貞徐廣謂成蟜爲將軍
而反秦軍擊之而成蟜壁于屯畱而死士卒爲成蟜
戰死者皆戮其屍然則成蟜據邑而反戰不勝而死

耳

河魚大上

解題曰按本紀河魚大上輕車重馬東就食

索隱曰往河旁

食魚也前漢五行志曰劉向以爲近魚孽也逆流而上

也

封嫪毐爲長信侯

解題曰按本紀嫪毐封爲長信侯子之山陽地令毐居之宮室車馬衣服苑囿馳獵恣毐事無大小皆決

於毒又以河西太原更爲毒國

嫪音勞毒音倚亥反

戰國策曰

秦攻魏急或謂魏王曰秦自四境之內執法以下至于長輓者曰與嫪氏乎與呂氏乎雖至于閭門之下廊廟之上猶之如是也今王割割地賂秦以爲嫪毒功卑體以尊秦以因嫪毒王以國贊嫪毒以嫪毒勝矣王以國贊嫪毒太后之德王也深于骨髓王之交最爲天下上矣今由嫪毒氏善秦而交于天下上天下孰不棄呂氏而從嫪氏天下必棄呂氏而從嫪氏

則王之怨報矣。繆曰：爭權畧見於此。孔叢子載此說，以爲子順之策。子順相魏，進退有聖賢之風，寧忍出此乎？

韓以韓玘爲相

解題曰：李斯上二世書曰：趙高兼行田常子罕之逆道而劫陛下之威信，其志若韓玘爲韓安相也。然則韓之滅，蓋由相玘。今載于韓王安卽位之年。

秦始皇帝九年垣蒲陽衍

解題曰史記正義曰括地志云垣在絳州垣縣西北
蒲邑在隰州隰川縣南蒲水之北衍在鄭州

王冠帶劍

解題曰始皇年一十一帶劍秦俗也

嫪毐作亂夷三族

解題曰按呂不韋傳秦紀有告嫪毐實非宦者毐聞
之秦王驗左右未發秦王之雍郊毐恐禍起乃與其
黨謀矯上御璽及太后璽以發縣卒及衛卒官騎戎

翟君公舍人將

秦之兵制略見于此縣卒一也衛卒二也官騎三也戎翟四也舍人五也

秦國太后用事故太后璽亦可發兵

欲攻斬年官爲亂

地理志斬年宮在雍

王知

之令相國昌平君昌文君發卒攻毒戰咸陽斬首數

百皆拜爵及宦者皆在戰中亦拜爵一級

宦者秦之宦者本無

拜爵之法

毒等敗走卽令國中有能得毒賜錢百萬殺之

五十萬追斬毒于好時其黨衛尉竭內史肆佐弋竭

中大夫令齊

衛尉內史之名始見于此魏有中大夫須賈則非獨秦有之矣漢書百官表曰

秦時少府有佐弋漢武帝改爲飲飛掌弋射者

二十人皆梟首車裂以徇滅

其宗及其舍人輕者爲鬼薪

應劭曰取薪給宗廟爲鬼薪也如淳曰律說鬼

薪作三歲

及奪爵遷蜀

又輕者乃奪爵徙蜀

四千餘家家房陵餘見

通鑑

秦始皇帝十年逐客

解題曰李斯傳云韓人鄭國來間秦作渠而覺秦宗

室大臣請一切逐客方是時呂不韋專國不韋亦客

也孰有敢言逐客者乎本紀載于呂不韋免相之後

得之矣

齊王趙王來置酒

解題曰凡諸侯相朝主國設飲燕以禮之未有賓客
反置酒者蓋齊趙畏秦極其諂而然也齊世家書王
入朝秦秦王政置酒咸陽然則秦亦置酒以報之歟
周茅焦諫迎太后于雍

解題曰按本紀齊人茅焦說秦王曰秦方以天下爲
事而大王有遷母太后之名恐諸侯聞之由此倍秦
也秦王乃迎太后於雍而入咸陽復居甘泉宮

徐廣曰咸

南陽宮也說苑所載其辭多浮夸且未見所以動始皇者

本紀所書簡而實矣戰國策載頓弱面詆始皇不孝始皇勃然而怒頓弱告以山東戰國有六威不掩于山東而掩於母始皇乃霽怒問戰國可兼之計然則始皇所重者獨兼并諸侯耳茅焦所以能復太后者特之諸侯倍秦恐之非能以母子天性感悟之也

以尉繚爲國尉

解題曰按本紀大梁人尉繚亂說秦王曰以秦之強

諸侯譬如郡縣之君臣但恐諸侯合從翕而出不意此乃智伯夫差湣王之所以亡也願大王毋憂財物賂其豪臣以亂其謀不過亡三十萬金則諸侯可盡秦王從其計見尉繚亢禮衣服食飲與繚同繚曰秦王爲人蜂準長目摯鳥鷹豺聲少息而虎狼心居約易出人下得志亦輕食人我布衣然見我常身自下我誠使秦王得志于天下天下皆爲虜矣不可與久游乃亡去秦王覺固止以爲秦國尉卒用其計策而

李斯用事尉繚之策大畧與李斯同不過以金啗之

耳前此范雎之散合從

戰國策云天下之士合從相聚于趙而欲攻秦秦相應侯

曰王勿憂也請合廢之秦于天下之事非有怨也相聚而攻秦者以已有富貴耳王見大王之狗臥者臥起者起行者行止者止毋相與鬪者投之一骨輕起相牙者何則有爭意也于是使唐雎載音樂子之五千金居武安高曾相與飲謂邯鄲人誰來取者于是其謀者固未可得與也其可得子者與之昆弟矣公與秦計功者不問金之所之金盡者功多矣今令人復載五千金隨公唐雎行至武安散不能三千金天下之士大

後此陳平之間項羽

陳平說高帝曰大王推出捐數萬斤金行

反間項王信讒必內相誅漢王以爲然乃出黃金四萬斤子平恣所爲不問出入

同出一術

蓋亂世風俗貪鄙故此術每用每中有言禮義廉恥
于多事之際必競以爲迂闊不知撥亂之策莫要于
此爲人上者盍亦少思哉

秦始皇帝十一年燕貍陽

解題曰史記正義曰按燕無貍陽疑字誤常作漁陽
趙廢太子嘉

解題曰按趙世家太史公曰吾聞馮王孫曰趙王遷
其母倡也嬖于悼襄王廢適子嘉而立遷遷素無行

信讒故誅其良將李牧用郭開豈不謬哉秦旣虜遷
趙之亡大夫共立嘉爲王王代六歲秦進兵破嘉遂
滅趙以爲郡嘉旣正且賢猶能崛起于敗世之後但
勢去而不能支耳使得蚤承統緒豈不能保邦于未
危乎此太史公所深恨也遷族類不正竟無行而亡
其國然則帝王之家政其可不以族類爲先乎嘉遷
廢立不知何年今附見于悼襄王薨之前

徙呂不韋於蜀

解題曰致堂胡氏曰秦王賜不韋書曰君何親于秦
號稱仲父諱之也不知其欲蓋而益彰矣古之有國
有家者雖買妾必擇其良惡族類之龐也而嬴楚悅
色納姬不疑其故遂使大賈生販心自是有天下者
蓋呂姓也而柏翳宗廟至此已絕作史者當自始皇
元年書爲後秦正其姓氏庶幾實錄矣

秦始皇帝十二年呂不韋自殺

解題曰按本紀文信侯不韋死竊葬其舍人臨者晉

人也逐出之秦人六百石以上奪爵遷五百石以下
臨遷勿奪爵秦待其國人與他國人不同于此畧可
見六百石以上則秩之稍高者也

漢酈曼容爲官不肯過六百石輒自

免餘見通鑑

不雨

解題曰按本紀天下大旱六月至八月乃雨

復嫪毐舍人遷蜀者

解題曰按呂不韋傳秦王所加怒呂不韋嫪毐皆已

死乃皆復歸嫪毐舍人遷蜀者秦法雖峻然始皇未并天下以前猶間有寬宥至于用水德之後則無復有此等政事矣

秦始皇帝十三年平陽

解題曰平陽世家作武城李牧傳作武遂

史記正義云括地志

云平陽在相

州臨漳縣西

秦始皇帝十四年桓齮取趙平陽武城宜安

解題曰以年表世家考之去年桓齮攻平陽殺扈輒

今年桓齮定平陽武城宜安李牧與戰却之趙封牧
爲武安君通鑑用李牧傳并載于去年不知牧傳特
終言之也史記正義曰武城卽具州武城縣宜安在
恒州藁城縣西南肥在恒州藁城縣西春秋時肥子
國

韓非

解題曰按新序申子之書號曰術商鞅之書號曰法
太史公謂非喜刑名法術之學則兼治之也六經孔

孟之教與人之公心合故治世宗之申商韓非之說
與人之私情合故末世宗之彼各有所合也

韓王納地效璽請爲藩臣

解題曰按本紀年表皆書韓王請爲臣于殺韓非之
後則非韓非所將之命也

秦始皇帝十五年大興師伐趙拔狼孟番吾趙李牧擊
破我軍遂還

解題曰番吾已爲秦所得至是復書取者邊地往來

固無常也秦大興師志在滅趙而爲李牧所却國其

可以無人乎

史記正義云徐廣云番音盤常山有蒲吾括縣地志云在常山房山縣東番蒲

古今音

異爾

秦始皇帝十六年初令男子書年

解題曰按周官媒氏男女自成名以上皆書年月日

名焉成名子生三月父名之也內則子生三月之末

男角女羈以見于父父名之宰書曰某年某月某日

生而藏之宰告閭史閭史書爲二其一藏諸閭府其

一獻諸州史州史獻諸州伯州伯命藏諸州府其制
詳密如此戰國以來不復重民之生此制廢缺久矣
始皇復令男子書年其制及男而不及女特恐民之
辟征役耳豈有三代重民之意哉然下一切之令而
使書之亦豈能得其實乎

徐幹中論曰民數爲國之本也先王周知其萬民衆

寡之數乃分九職焉九職旣分則劬勞者可見勤惰
者有聞也然而事役不均者未之有也事役旣均故
上盡其心而人竭其力國家殷富大小不置百姓休
和下無怨疾焉周禮孟冬司寇獻民數于王王拜而
受之登于天府內史司會冢宰貳之其重之也如是
今之爲政者未之知恤也譬猶無田而欲樹藝雖有

農夫安能措其手足乎是以先王制六卿遂六之法所以維持其民而爲之綱目也使其鄰比相保受賞罰相延及故出入存亡臧否逆順可得而知也及亂君之爲政也戶口漏于國版夫家脫於聯伍避役逋逃者有之于是姦心競生而僞端並作小則濫竊大則攻劫嚴刑峻合不能救也人數者庶事之所自出也莫不取正焉以分田里以令貢賦以造器用以制祿食以起田役以作軍旅國以建典家以立度五禮既修九刑用措其唯審人數乎

秦始皇帝十七年內史騰滅韓

解題曰韓姬姓自景侯虔受封至王安凡十一世按本紀李斯之復畱也說秦王請先取韓以恐他國于

是使斯下韓然則秦并六國始于韓者蓋李斯之策也秦初并天下令曰異日韓王納地效璽請爲藩臣已而倍約與趙魏合從畔秦故興兵誅之此則其出師之名也前漢地理志韓地角亢氏之分野也韓分晉得南陽郡及潁川之父城定陵襄城潁陽潁陰長社陽翟郟東接汝南西接弘農得新安宜陽皆韓分也及詩陳鄭之國與韓同星分野潁川南陽本夏禹之國夏人上忠其敝鄙樸

史記貨食傳潁川敦愿

韓自武子後

七世稱侯六世稱王五世而爲秦所滅秦旣滅徙天下不軌之民于南陽故其俗夸奢上氣力好商賈漁獵藏匿難制御也

華陽太后薨

解題曰按曰不韋傳華陽太后與孝文王會葬壽陵夏太后別葬社東

大饑

解題曰秦紀趙世家書之蓋二國饑也

衛元君薨

解題曰衛世家書元君二十五年卒通鑑用徐廣說
夏太后十三年今從之按廣注年二十三年卒今本
無之

秦始皇帝十八年定韓地

解題曰年表於虜韓王安之明年書秦滅韓於虜楚
王負芻之明年書秦滅楚于虜燕王喜之明年書秦
滅燕于虜齊王建之明年書秦滅齊于虜代王嘉之

明年書秦滅趙例以悉定其地爲滅耳獨虜魏王假之明年不書秦滅魏豈非虜王假之年魏地卽定乎殺李牧廢司馬尙

解題曰按戰國策秦使王翦伐趙趙使李牧司馬尙禦之李牧數破走秦軍殺秦將桓齮王翦惡之乃多與趙王寵臣郭開等金使爲反間曰李牧司馬尙欲與秦反趙以多取封于秦趙王疑之使趙葱及顏聚代將斬李牧廢司馬尙又載司空馬去趙謂平原合

曰趙將武安君期年而亡若殺武安君不過半年趙王之臣有韓倉者以曲合于趙王其交甚親其爲人嫉賢妒功臣今國危亡王必用其言武安君必死韓倉果惡之王使人代武安君至使韓倉數之曰將軍戰勝王觴將軍爲壽爲壽于前而捍匕首當死武安君曰病鈎身大臂短不能及地起居不敬恐懼得罪于前故使工人爲木材以接手願公入明之韓倉曰受命于王賜將軍死不赦臣不敢言武安君北面再

拜賜死縮劍將自誅乃曰人臣不得自殺宮中趣出
自殺其恭如此李牧傳乃謂李牧不受命趙使人因
捕得斬之非也使不受命韓倉安得而數之豈非以
廉頗不受代事而誤載乎

秦始皇帝十九年王翦虜趙王滅趙

解題曰趙嬴姓

與秦共祖惡來之後爲秦
惡來之弟季勝之後爲趙

自烈侯受

封至王遷凡九世秦初并天下令曰趙王使其相李
牧來約盟故歸其質子已而倍盟反我太原故興兵

誅之此則其出師之名也

淮南子曰趙王遷流于房陵思故鄉作爲草木之謳

聞之者莫不流涕

前漢地理志曰按趙地昃畢之分埜趙分

晉得趙國北有信都真定常山中山又得涿郡之高陽鄭州鄉東有東平鉅鹿清河河間又得渤海郡之東平舒中邑文安東州成平章武河以北也南至浮水繁陽內黃斥邱西有大原定襄雲中五原上黨上黨水韓之別郡也遠韓近趙後卒降趙皆趙分也趙中山地薄人衆猶有沙邱紂淫亂餘民丈夫相聚游

戲悲歌恍慷起則推剽掘冢作姦巧多弄物爲倡優
女子彈弦踔躑游媚富貴徧諸侯之後宮邯鄲北通
燕涿南有鄭衛漳河之間一都會也其土廣俗雜大
率精急高氣勢輕爲姦太原上黨又多晉公族子孫
以詐力相傾矜夸功名執仇過直嫁取送死奢靡鍾
代石北迫近胡寇民俗懞忤章岐反好氣爲姦不事農
商自全晉時已患其剽悍而武靈王又益厲之定襄
雲中五原本戎狄地其民鄙樸少禮文好射獵

王翦屯中山

解題曰以臨燕也

王之邯鄲故與母有仇者皆坑之

解題曰始皇之拊新國如此

太后薨

解題曰始皇母也

楚幽王薨弟猶立是爲哀王

解題曰猶年表作郝

秦始皇二十年易水

解題曰史記正義云易水源出易縣西谷中之東東

南流與滹沱河合

水經易水出涿郡故安縣門鄉西山

秦始皇二十一年薊遼東

解題曰薊燕國都也

今燕王府薊縣水經注云燕國西北隅有薊邱因邱以爲名卽

魯之曲阜齊之營邱

遼東秦漢皆爲遼東郡漢末爲公孫度所

據魏司馬懿滅之復爲郡西晉之亂慕容廆據之後

魏滅慕容氏其地尋入于高氏唐李勣平高麗置安

東上都護府統之至德後廢

王賁伐楚

解題曰按王翦傳秦使翦子王賁擊荆徐廣曰秦諱楚故云荆也

李信蒙恬將二十萬伐楚

解題曰按王翦傳李信蒙恬南伐楚王翦言不用因謝病歸老于頻陽本紀今年書王翦謝病老歸

大雨雪

解題曰按本紀大雨雪深二尺五寸

秦始皇帝二十二年王賁伐魏引河灌大梁滅魏

解題曰魏姬姓畢公高之後自文侯受封至王假凡
九世秦初并天下令曰魏王始約服已而與韓趙謀
襲秦秦兵吏誅遂破之此則其出師之名也前漢地
理志曰魏地觜觶參之分野也其界自高陵以東盡
河河東河內南有陳畱及汝南之召陵潁彊新汲西
華長平潁川之舞陽鄆許鄢陵河南之開封中牟陽

武酸棗卷皆魏分也在晉之南河曲故其詩曰彼汾
一曲寘諸河之側至獻公滅魏以封大夫畢封晉文
公伯諸侯尊周室始有河內之王吳札聞魏之歌曰
美哉颯颯乎以德輔此則明主也文公後十六世魏
自立爲諸侯

風俗見晉及秦分
三十六郡解題

溝洫志大司空掾王

橫言禹之行河水本隨西山下東北去周譜云定王
五年河徙則今所行非禹之所穿也又秦攻魏決河
灌其都決處遂大不可復補宜卻徙完平處更空使

緣西山足而東北入海然則因秦入河灌大梁之後

禹之故道亦失矣

戰國策蘇代說燕王曰秦正告魏曰陸攻則擊河內水攻則滅大梁

魏以爲然故事秦然則灌大梁之策戰國以來人皆知之矣

楚人大破李信軍復使王翦伐楚

解題曰王翦傳書李信攻鄢郢破之引兵而西與蒙

恬會城父荆人大破李信軍按鄢郢白起取以置南

郡是時不屬楚久傳之誤也

秦始皇帝二十三年王翦取陳以南至平輿大破楚軍

於蘄殺其將軍項燕

解題曰按本紀今年王翦虜荆王荆將項燕立昌平
君爲荆王反秦軍於淮南明年王翦蒙武破荆軍昌
平君死項燕遂自殺年表世家王翦傳皆不載項燕

立昌平君事今兩存之

潁濱蘇氏曰昌平君者楚人
爲始皇相國政嫪毐者也

秦始皇帝二十四年王翦滅楚

解題曰楚地廣人希火耕而水耨舉凡果贏之屬不
待賈而足地勢饒食無饑饉之患以故嗾竊偷生

積聚而多貧是河江淮以南無凍餓之人亦無千金

之家

前漢地理志曰信巫鬼重淫祀

楚世家書滅楚郡云孫檢曰秦

虜楚王負芻滅去楚名以楚地爲秦郡秦避莊襄王

諱易楚爲荆不應置楚郡檢之說是也但三十六郡

中亦無秦郡之名以地理考之南郡九江郡鄣郡會

稽郡是楚地也

秦始皇帝二十五年王賁滅燕

解題曰燕姬姓周武王封召公于北燕

史記正義曰地在燕山之地

野故國野名焉燕山自幽州漁陽縣東南六十里燕姓之國黃帝之後在滑州

自召公受

封

索隱曰以元子就封而次子畱周室代爲召公

至王喜凡四十四世前漢

地理志曰燕地尾箕分陲也東有漁陽右北平遼西

北新城故安涿縣良鄉新昌得涿郡之易容城范陽

北新城故安涿縣良鄉新昌及渤海之安次皆燕分

也樂浪玄菟亦宜屬焉初太子丹賓養勇士不愛俊

宮美女民化以爲俗男女無別反以爲榮其俗愚悍

少慮輕薄無威亦有所畏敢于急人燕丹遺風也史

大事記卷之六
記貨殖傳曰燕亦勃碣之間一都會也南通齊楚東
北邊胡上谷至遼東地踔遠人民希數被寇大率與
代俗相類有魚鹽棗栗之饒北鄰烏桓夫餘東綰北
貉朝鮮眞番之利

王翦悉定楚江南地降越君置會稽郡

解題曰通鑑作降百越之君按賈誼過秦論南取百
越之地以爲桂林象郡事在三十三年今年方置會
稽郡百越固未盡服也

終

